



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno DLXXVII. ad annum DXC.

Parisiis, 1644

Epistola XX. Gregorii Papae I. Ad Gratiostvm Episcopvm Nvmentanvm.
Curam committit ecclesiae sancti Anthemii.

urn:nbn:de:hbz:466:1-15221

ne transmittat ; quatenus quæ nostris animis perficienda decreuimus, implere omnipotentis gratia suffragante possumus.

EPISTOLA XX.

GREGORII PAPÆ I.

AD GRATIOSVM EPISCOPVM NVMENTANVM.

Curam committit ecclesiæ sancti Anthemii.

Gregorius Gratioſo episcopo Numentano.
Ioan. diac.
lib. 3. c. 15.

POST QVAM hostilis impietas diuersarum ciuitatum, ita peccatis facientibus, desolauit ecclesiæ, vt reparandi eas spes nulla populo deficiente remanserit, maiori valde cura constringimur, ne defunctis earum sacerdotibus, reliquias plebis, nullo pastoris moderamine gubernante, per deuia fidei hostis callidi, quod absit, rapiantur insidiis. Huius ergo rei sollicitudine sœpe * commoti, hoc ^{al. con-} nostro sedis cordi consilium, vt vicinis eas mandaremus pontificibus gubernandas. Ideoque fraternitati tuæ curam gubernationemque sancti Anthemii ecclesiæ, in Curium Sabinorum territorio constitutæ, præuidimus committendam, quam tuæ ecclesiæ aggregari vñrique necesse est : quatenus vtrarumque ecclesiârum sacerdos recte Christo adiuuante possis existere, & quæque tibi de eius patrimonio, vel de cleri ordinatione seu promotione vigilanti ac canonica visa fuerint cura disponere, quippe vt pontifex proprius, liberam habebis ex præsenti nostra permissione licentiam. Quapropter, frater carissime, dominorum reminiscens mandatorum, salubriter ita in commissâ plebis regimine lucrandisque animabus inuigila, vt ante tribunal æterni iudicis constitutus, fructum bonæ operationis, qui ad mercedem tuam pertineat, eidem Redemptori nostro, in quo lœtari possis, exhibeas.